

Cylch Gwaith Pwyllgor Profiad Myfyrwyr, Addysgu ac Ansawdd CCAUC

1 CYFANSODDIAD

Pwyllgor o eiddo'r Cyngor a elwir yn Bwyllgor Profiad Myfyrwyr, Addysgu ac Ansawdd (y Pwyllgor) a sefydlwyd gyda'r cylch gorchwyl a rheolau sefydlog canlynol drwy benderfyniad y Cyngor dyddiedig 3 Gorffennaf 2009, wedi'i ddiwygio 10 Rhagfyr 2010.

2 CYLCH GORCHWYL

- a) Cyngori'r Cyngor ar bob mater yn ymwneud â dysgu ac addysgu mewn Addysg uwch, gan gynnwys sgiliau, ehangu mynediad i addysg uwch, Hyfforddiant Cychwynnol Athrawon a darpariaeth cyfrwng Cymraeg, gyda'r nod o sicrhau bod addysg uwch yng Nghymru yn cwrdd ag anghenion a disgwyliadau dysgwyr a rhanddeiliaid eraill.
- b) Ymgymryd â chyfrifoldebau statudol y Cyngor o dan Ddeddf Addysg Bellach ac Uwch 1992 mewn perthynas ag asesu ansawdd, hynny yw, sicrhau bod darpariaeth yn cael ei gwneud ar gyfer asesu ansawdd yr addysg a ddarperir yn y sefydliadau y mae'r Cyngor yn cyllido neu'n ystyried cyllido eu gweithgareddau.
- c) Bod yn seinfwrdd ar gyfer ymagweddau newydd at ddysgu ac addysgu yn yr ystyr ehangaf er mwyn hysbysu'r Cyngor.
- d) Argymhell i'r Cyngor strategaethau ar gyfer cefnogi cynllun corfforaethol CCAUC lle y mae'n ymwneud â materion dysgu ac addysgu cyffredinol.
- e) Ystyried unrhyw faterion a gyfeirir at y Pwyllgor gan y Cyngor.
- f) Ym mhob un o'r uchod, ceisio a chymryd i ystyriaeth farn yr holl randdeiliaid perthnasol ac ymchwil priodol a thystiolaeth arall ac, yn yr un modd, ymgorffori cyngor gan arbenigwyr annibynnol lle y bo'n briodol.

3 RHEOLAU SEFYDLOG

3.1 Defnyddir y Rheolau Sefydlog safonol ar gyfer Pwyllgorau CCAUC.

3.2 Aelodaeth a Phresenoldeb

3.2.1 Bydd gan y Pwyllgor hyd at 17 aelod, gan gynnwys o leiaf un aelod sy'n aelod o'r Cyngor. Caiff y Pwyllgor ei gadeirio gan aelod o'r Cyngor. Dylai'r mwyafrif o aelodau'r Pwyllgor ddod o sefydliadau yn y sector AU*.

- 3.2.2 Y cworwm ar gyfer cyfarfodydd o'r Pwyllgor yw 4 aelod, gan gynnwys y Cadeirydd neu'r sawl a enwebir ganddo/ganddi.
- 3.2.3 Bydd Pennaeth y Tîm Strategaeth, Dysgu a Chyllido yn mynychu cyfarfodydd o'r Pwyllgor fel rheol.
- 3.2.4 Bydd cynrychiolydd o'r Tîm Ymchwil, Busnes a Chymunedau yn mynychu cyfarfodydd o'r Pwyllgor fel rheol.
- 3.2.5 Bydd aelod o'r Tîm Strategaeth, Dysgu a Chyllido yn gwasanaethu'r Pwyllgor.

4 AWDURDOD

- 4.1 Corff cynghori heb unrhyw bwerau gweithredol yw'r Pwyllgor.
- 4.2 Bydd gan y Pwyllgor yr awdurdod i sefydlu Grwpiau Gorchwyl a Gorffen i ddarparu cyngor yn ôl yr angen, gan gynnwys ar faterion o fewn ei gylch gwaith sy'n codi o ddyletswyddau statudol y Cyngor i asesu ansawdd darpariaeth.

*

Mae'r Ddeddf (http://www.opsi.gov.uk/acts/acts1992/ukpga_19920013_en_6#pt2-pb1-11g62) yn datgan:

Asesu ansawdd yr addysg a ddarperir gan sefydliadau

(1) Bydd pob cyngor yn —

(a) sicrhau bod darpariaeth yn cael ei gwneud ar gyfer asesu ansawdd yr addysg a ddarperir mewn sefydliadau y maent hwy'n darparu, neu'n ystyried darparu, cymorth ariannol ar gyfer eu gweithgareddau o dan y Rhan hon o'r Ddeddf, a

(b) sefydlu pwyllgor, a elwir yn "Bwyllgor Asesu Ansawdd", sydd â'r swyddogaeth o roi cyngor iddynt ar gyflawni eu dyletswyddau o dan baragraff (a) uchod ac unrhyw swyddogaethau eraill y gall y cyngor ofyn i'r pwyllgor eu cyflawni.

(2) Bydd y mwyafrif o aelodau'r pwyllgor —

(a) yn bersonau sy'n dod o fewn isadran (3) isod, a

(b) ni fyddant yn aelodau o'r cyngor.

(3) Mae personau'n dod o fewn yr isadran hon os yw'n ymddangos i'r cyngor fod ganddynt brofiad o, ac wedi dangos y gallu i, ddarparu addysg uwch mewn sefydliadau o fewn y sector addysg uwch ac, wrth benodi personau o'r fath, bydd y cyngor yn cymryd i ystyriaeth a yw'n dderbyniol iddynt fod ynghlwm wrth ddarparu addysg uwch neu'n gyfrifol am ddarpariaeth o'r fath ar hyn o bryd.

(4) Bydd Atodlen 1 i'r Ddeddf hon yn berthnasol i bwyllgor a sefydlir o dan yr adran hon fel y mae'n berthnasol i bwyllgorau a sefydlir o dan baragraff 8 o'r Atodlen honno.